

# ԻՐԱՎԱՍՈՒ ՆԱԽԱՐԱՐՈՒԹՅՈՒՆՆԵՐՆ ԱՐՁԱԳԱՆՔԵԼ ԵՆ ԶՈՐԱՀԱՎԱՔԻՆ ՄԱՍՆԱԿՑՈՂ ԱՆՁԱՆՑ ԱՇԽԱՏԱՆՔԻ ՎԱՐՁԱՏՐՈՒԹՅԱՆ ՀԱՐՑՈՎ ՓԱՍՏԱԲԱՆՆԵՐԻ ՊԱԼԱՏԻ ՀԱՐՑՄԱՆԸ

08.10.2020 16:50

Հայաստանի Հանրապետության փաստաբանների պալատը 2020թ. հոկտեմբերի 1-ին պաշտոնական պարզաբանում ստանալու նպատակով ՀՀ պաշտպանության և ՀՀ աշխատանքի և սոցիալական հարցերի նախարարներին ներկայացրել է **դիմում**, որով բարձրացվել է այն հարցը թե **արդյո՞ք Հայաստանի Հանրապետությունում ռազմական դրություն հայտարարելու մասին ՀՀ կառավարության 27.09.2020թ. թիվ 1586-Ն որոշման Հավելվածի 1-ին կետով հայտարարված ընդհանուր զորահավաքի շրջանակներում հավաքագրված և ռազմական գործողություններին մասնակցելու համար Հայաստանի կամ Արցախի Հանրապետության սահմաններ ուղարկված աշխատող տղամարդկանց աշխատավարձը ռազմական գործողությունների ամբողջ ժամանակահատվածի համար վճարելու է Հայաստանի Հանրապետությունը, թե՞ ոչ:**

Դիմումով ՀՀ փաստաբանների պալատը ներկայացրել էր իր մեկնաբանություններն առաջադրվող հարցի վերաբերյալ:

ՀՀ փաստաբանների պալատի հարցմանն իր պատասխան **ՀՀ պաշտպանության նախարարությունը հայտնել է**, որ նախատեսվում է ՀՀ ազգային ժողովին ներկայացնել ՀՀ աշխատանքային օրենսգրքում (124-րդ հոդվածում) փոփոխություններ և լրացումներ կատարելու նախագիծ, որի համաձայն զորահավաքային զորակոչի կանչված քաղաքացու աշխատատեղը պահպանվում է նրա զորահավաքային զինվորական ծառայության ամբողջ ժամանակահատվածում, իսկ վարձատրությունն իրականացվում է օրենքով կամ կողմերի համաձայնությամբ կամ կոլեկտիվ պայմանագրով սահմանված կարգով:

ՀՀ պաշտպանության նախարարությունը միաժամանակ հայտնել է, որ «**Զինվորական ծառայության և զինծառայողի կարգավիճակի մասին» օրենքի 61-րդ հոդվածի 4-րդ մասի համաձայն՝ զորահավաքային զորակոչի միջոցով ծառայություն անցնող զինծառայողների վրա տարածվում և նրանց հաշվարկվում է պայմանագրային զինծառայողների համար սահմանված դրամական ապահովությունը:**


**ՀՀ աշխատանքի և սոցիալական հարցերի նախարարությունը նույնպես տեղեկացրել է** ՀՀ աշխատանքային օրենսգրքի համապատասխան փոփոխությունների նախագծի մասին և հայտնել, որ մինչ փոփոխությունները գործում է «**Զինվորական ծառայության և զինծառայողի կարգավիճակի մասին» օրենքի 60-րդ հոդվածի 5-րդ մասով սահմանված նորմի՝** ՀՀ փաստաբանների պալատի դիմումով ներկայացրած **անալոգիան**, այն է՝ **ժանուցագրեր ստացած և ռազմական գործողություններին մասնակցելու նպատակով Հայաստանի Հանրապետության և Արցախի սահման մեկնած աշխատող տղամարդիկ՝ պահեստազորայիններն օգտվում են պետական կամ հասարակական պարտականությունների կատարման համար սահմանված արձակուրդից, իսկ այս արձակուրդի ընթացքում ստանում են իրենց աշխատավարձի չափով վարձատրություն Հայաստանի Հանրապետությունից:**

Բեռնել ՀՀ փաստաբանների պալատի 01.10.2020թ. դիմումը.


Բեռնել ՀՀ պաշտպանության նախարարության գրությունը.

Բեռնել ՀՀ աշխատանքի և սոցիալական հարցերի նախարարության գրությունը.


## Առաջարկվող նորություններ




**19.03.2019** ՀՀ ՓԱՍՏԱԲԱՆՆԵՐԻ ՊԱԼԱՏԻ ԿԱՅՔՈՒՄ ՍՏԵՂԾՎԵԼ Է ՊԵՏԱԿԱՆ ՄԱՐՄԻՆՆԵՐԻՑ ՍՏԱՑՎԱԾ ՊԱՐՁԱԲԱՆՈՒՄՆԵՐԸ ՀՐԱՊԱՐԱԿԵԼՈՒ ՀԱՄԱՐ ՆԱԽԱՏԵՍՎԱԾ ԲԱԺԻՆ



**06.10.2020** ՍԱՀՄԱՆՎԵԼ ԵՆ ԱՆԴԱՄԱՎՃԱՐ ՎՃԱՐԵԼՈՒ ԵՎ ՎԵՐԱՊԱՏՐԱՍՄԱՆ ԴԱՍԸՆԹԱՑՆԵՐԻՆ ՄԱՍՆԱԿՑԵԼՈՒ ՊԱՐՏԱԿԱՆՈՒԹՅՈՒՆՆԵՐԻ ՀԵՏ ԿԱՊՎԱԾ ԱՐՏՈՆՈՒԹՅՈՒՆՆԵՐ



**08.10.2020** ՓԱՍՏԱԲԱՆՆԵՐԻ ՊԱԼԱՏԸ ՀԱՆԴԵՍ Է ԵՎԵԼ ԴԵՍՊԱՆԱՏՆԵՐԻՆ, ՄԻՋԱԶԳԱՅԻՆ ԿԱՌՈՒՅՑՆԵՐԻՆ, ՓԱՍՏԱԲԱՆՆԵՐԻ ՄԻՈՒԹՅՈՒՆՆԵՐԻՆ ՈՒՂՂՎԱԾ ԿՈՉՈՎ



**09.10.2020** ՓԱՍՏԱԲԱՆՆԵՐԸ  
ՆՈՒՅՆՊԵՍ ՄԻԱՑԵԼ ԵՆ  
«ՀԱՅԱՍՏԱՆ»  
ՀԱՄԱՀԱՅԿԱԿԱՆ  
ՀԻՄՆԱԴՐԱՄԻ  
ՆՎԻՐԱԲԵՐՈՒԹՅՈՒՆՆԵՐԻ  
ՆԱԽԱՁԵՌՆՈՒԹՅԱՆԸ

```
Վերադառնալ $(window).load(function(){ if(typeof $(".fb_comments_count").html() != "undefined" && parseInt($(".fb_comments_count").html()) != 0){ updateCommentsCount(window.location.href); } })
```